


戶部

祿廩

分例


戶計



戶部卷之一

典章十五

祿廩 俸鈔 職田



行 平章政事二員各鈔五定
左右丞一員各鈔五定

照磨一員鈔三十五兩
管內一員鈔三十五兩

理 正官二員各鈔二定十兩
相副官一員鈔三十五兩

中 參政二員各鈔四定
僉省二員各鈔二定二十五兩

全史四名各鈔三十五兩米一石
譯史八名各鈔三十五兩米一石

問 提控實蹟一員鈔三十三兩
全史二十名各鈔三兩米一石

書 左右司郎中二員各鈔一一定二十兩
員外郎二員各鈔四十五兩

通事知印各三名各鈔三十五兩米一石
宣使四名各鈔二十五兩米一石

所 通事二名鈔三兩米一石
譯史一名鈔三兩米一石

省 都事二員各鈔四十兩
檢校二員各鈔四十兩

左右司典史十四名各鈔二十二兩米一石
檢校所書史二名各鈔二十二兩米一石

使二員各鈔八十兩

宣 同知一員鈔一一定三十兩
副使二員各鈔一一定二十兩

副使三員各鈔四十五兩
僉事四員各鈔三十五兩

經歷一員鈔二十兩

慰 都事二員各鈔三十五兩
照磨二員各鈔三十五兩

知事一員鈔二十五兩
照磨一員鈔三十五兩

書史二十名各鈔二十兩米一石

司 今史三十名各鈔三十五兩米一石
譯史二名各鈔三十五兩米一石

知印通事各一名各鈔三十五兩米一石
奏差二十名各鈔二十五兩米一石

典史四名各鈔八兩米一石

司 知印通事各一名各鈔三十五兩米一石
奏差二十名各鈔二十五兩米一石
典史四名各鈔八兩米一石

廉 使二員各鈔八十兩
副使三員各鈔四十五兩
僉事四員各鈔三十五兩
經歷一員鈔二十兩
知事一員鈔二十五兩
照磨一員鈔三十五兩
書史二十名各鈔二十兩米一石
譯史通事各一名各鈔三十五兩米一石
奏差六名各鈔八兩米一石
典史二名各鈔五兩米一石
公使人四十名各鈔五兩

于閏二月初三日禮任合自三月為始支俸都省移咨湖廣行省于劉珍名下追徵元支訖二月俸錢還官

上任罷任俸例至元三年十一月十二日 中書戶部奉

中書省劄付諸官員上任不過初二日罷任已過初五日

並給當月俸錢外據經歷知事吏目典史司吏一体施行

告假事故俸例至元九年正月 中書左三部承奉

中書省劄付據戶部呈奉 尚書省劄付欽奉

聖旨節文今已後支俸呵月盡其間交與者應吃俸錢人一日

不來休與一兩者半日不來休與半兩者這般道與了您

呵若是月初頭與了俸錢呵您上者您雖得這般言語呵

管軍民管民官却休動者欽此照得先奉 中書省劄付

該諸官員上任 云云見前例 依上月盡其間支付外據告

告事故人員既是官司說過定與限次交去來俸錢都交

支與如違限并推故不來欽依

聖旨處分事意追罰施行

被問致除俸例大德七年三月二十四日江西行省准

中書省咨來咨廣州路達魯花赤大德六年三月二

十日得替開除名俸合無依平章月的迷失例支付請定

奪准此送戶部議得官吏俸秩本以養廉豈有內外之分

以此叅詳內外諸衙門官吏除上任已過初二日并但犯

公罪有招停職被問者所歷雖至月終其俸秩依例下給外據在任致除及任滿得代官吏如已滿初五日者將當月俸秩无分内外欽依元來

聖旨依數給付相應都省准擬

官員患病俸例大德十一年六月 行臺准 御史臺咨
官吏病過百日例應作闕支過畸零日數俸秩若欲追納還官恐非優遇臣下之宜抑亦有傷大体事干通例宜令合干部分從長講究具呈照詳回奉 中書省劄送戶部
議得諸官吏患病百日作闕支過俸米除全月回納還官外據支過破月俸鈔如是已過當月初五日亦屬今月盡

月數宜從御史臺所呈免徵相應 都省准擬

官吏離役俸錢不支至元三十一年十二月二十日 江
西行省據省掾李元剛告至元三十一年四月內承行吉
水縣羅濂翁告王仁甫不法等事有王仁甫經廉訪司誣
告取受六月十一日有江西廉訪司牒發分司歸對妄告
七月十四日牒發回省所有六月至十月終五个月俸鈔
未蒙支給得此移准 中書省元貞元年閏四月二十七
日省掾卜元英承行咨該送戶部照擬得令史李元剛至
元二十一年六月至十月終五个月即係離役對証不曾
掌管勾當月日難議支俸具呈照詳事都省合行移咨請

照驗施行

枉被賍誣停職俸例大德十一年十一月行臺准御史
臺咨浙東道廉訪司申據温州路瑞安路民戶吳瑞狀告
本州王同知下鄉休覆折收木綿取受鈔定已取吳瑞等
誣告招伏斷遣了當外據同知王革亨被問俸錢移准溫
州路牒呈照得省部元擬江西省令史李元剛被誣對問
係離役不曾掌管勾當月日難議支給看詳凡告言官吏
不公若追究是實自有常憲其間或在被賍誣告誣明白
于已別无私罪招涉及所犯罰贖不至解任等罪如將曠
闕月日照依至元十年省部元擬通例俸祿全給相應係

為例事理咨請照詳准此呈奉中書省劄付得此送據刑
部呈議得凡官吏在任被人告論辨誣私罪雖有招伏不
至解任但離本職者其祿不給歸結了畢罪不至停罷合
還職者依上任例給付即枉被賍誣或為支誣及辨誣公
罪者驗曠闕月日祿秩全給相應所據瑞安州同知王革
亨即係枉被賍誣其停職月日俸秩全給相應具呈照詳
都省仰照驗施行

官吏添支俸給至元二十二年二月欽奉

詔條內一款設官頒俸以為民民近年諸物增價俸祿不能
養廉以致侵漁百姓公私俱不便益自今內外官吏俸給

以十分為率添支五分仰中書省依上施行

大德三年正月欽奉

詔條內一欵張官置吏本以為民小吏祿食不給掇取為害其令中書省添給俸米有差欽此

中書省議得廉訪司轉運司書吏通譯史俸鈔依舊例支給每月添米一石奏差典史驗俸依例給米總管府司吏通譯史下州吏目擬支月俸中統鈔八兩米六斗散府諸州司吏縣典史月俸中統鈔七兩米七斗諸縣錄事司巡檢司司吏月俸中統鈔六兩米六斗仰各處官吏自大德三年正月為始按月依例支給

各路司縣司獄典俸米與親民司縣司吏同

大德七年 月欽奉

詔條內一欵官吏俸薄不能養廉增給俸米欽此 云云 議得

无職田官吏俸米除甘肅行省與和林宣慰司官吏一体擬支口糧外其餘內外官吏俸一十兩以下人員依大德三年添支小吏俸米例每一兩給米一斗十兩以上至二十五兩每員支米一石餘上之數每俸一兩與米一升扣算給付若官無見在驗支俸去處時直給價雖貴每石不過二十貫上都大同隆興甘肅等處不係產米去處每石合支中統鈔二十五兩價賤者從實開坐各各分例移准

都省咨于大德七年五月二十八日

奏過事內一件前者為內外勾當裏行的官吏俸錢少的上頭俺省官臺官并老的每一處商量了添與俸米者麼道奏了行來

聖旨有來答刺罕丞相大都省官人每與學士每一處商議定奏將來但是无職田的請十兩以下俸錢的依着先定來的小吏俸米例每一兩與一斗米十兩以上至二十五兩與一石這的之上不揀請多少俸錢的十兩加與一斗俸米呵內外官吏一年約該二十八萬餘石米有這般與呵上都等處山後州城甘州等處河西州城并和林州城不

係出來去處從省各處事宜與價錢并口糧更迤南州城若无見在呵與價錢的擬將几个分例米有俺與完澤大傅右丞相衆人商量來請三定以上俸錢的不與米三定以下俸錢的依省大都省官人每一處定將來的與呵怎生取自

聖裁奏呵奉

聖旨依省您商量來的與者欽此

至大二年 月欽奉

詔書內一款官吏俸薄不能養廉以致侵漁百姓治效不修尚書省從長計議頒給欽此

尚書省送據戶部呈照擬到各項事理至大二年十二月二十八日

玉德殿西耳房內有時分昔寶赤大都丞相等奏天下諸衙門官吏俸鈔不敷的上頭交俺商量了添與者麼道行了詔書來俺眾人商量來隨

朝衙門官員并軍官每如今見請的俸錢內減了加五改換與至元鈔住支俸米外任有職田的官員三品的每年與祿米一百石四品的六十石五品的五十石六品的四十石七品以下的四十石俸錢改支至元鈔將職田拘收入官又外任宣慰司軍官雜職等官俸錢十分中減去三

分餘上七分改支至元鈔隨

朝衙門行省宣慰司的吏員俸錢減去加二其餘鈔數與至元鈔十兩以下每月與俸米五斗外任行的小吏每的俸鈔依數改作至元鈔俸米依舊呵怎生奏呵奉

聖旨那般者欽此議得在都隨

朝官吏俸秩截自至大三年正月為始欽依支付所據在外行省同隨朝衙門官吏并外任

朝衙門官吏并外任俸給擬自文字到日為始支付都省除外咨請欽依施行

俸鈔改支至元拘職田支米至大三年三月行省准中

書省咨至大二年十二月二十八日奏天下諸衙門官吏俸錢不敷的上頭交俺商量了添與者麼道行了
詔書來俺衆人商量來隨

朝衙門官員并軍官每如今見請俸錢內減了加五改換與至元鈔住支俸米外任有職田的官員三品的每年與祿米一百石四品的六十石五品的五十石六品的四十五石七品以下的四十石俸錢改支至元鈔將職田拘收入官又外任宣慰司軍官雜職等官俸錢十分中減去三分餘上七分改支至元鈔兩隨

朝衙門行省宣慰司的吏員俸鈔減去加五其餘鈔數與至元鈔至元鈔一十兩以下每月與俸米五斗外任行的小吏每的俸鈔依數改作至元鈔俸米依舊與呵怎生奏呵奉

聖旨那般者欽此議得在都隨

朝官吏俸秩截自至大三年正月為始欽依支付所據任外行省同隨

朝衙門官吏并外任俸給擬自文字到日為始支付都省咨請欽依施行

俸鈔改支至元皇慶二年五月 江西行省准
中書省咨該皇慶二年二月二十七日

奏過事內一件內外勾當裏行的三定俸錢以下官吏人等無公田的

完者禿皇帝時分與祿米來在後尚書省官人每奏了將外任職官每的公田拘束了驗着品級與俸米俸錢改支至元鈔宣慰司軍官雜職等官俸錢減了改支至元鈔來

皇帝登寶位時分外任職官公田俸鈔並復舊制者麼道行了詔書來除有職田官員俸錢並依舊制其餘宣慰司外任無職田軍官雜職司縣小吏人等合支俸給祿米不均有麼道各處行省咨稟將來有俺商量來外任官員但有公田的並依舊制支給合得職田官員若全無職田的改支至

元鈔宣慰司軍官雜職并諸司吏員人等自文字到日依先例改支至元鈔數小吏合得祿米只依舊例交支呵怎生奏呵那般者麼道

聖旨了也欽此都省咨請欽依施行

副達魯花赤俸祿延祐四年二月行省准中書省咨據禿見迷先海牙告係添設副達魯花赤不見定給俸錢公田乞詳狀事得此送據戶部呈照得至元三十一年十一月初三日

奏准官員職田依舊例標撥欽此欽依外腹裏官員每中統鈔五兩公田一項江南減半本部議擬到腹裏行省路府

州并所轄中下縣錄事司添設副達魯花赤俸鈔公田開
呈照詳都省開咨請欽依施行

本部比例議擬到下項添設官員公田俸鈔

路府州同知并上縣丞減去設副達魯花赤一員

前件議得前項路府州并上縣副達魯花赤既以
減去同知縣丞各官俸秩公田擬合比依減去官
員公田俸例一体支付相應

中縣并錄事司添設副達魯花赤一員

前件議得上項添設副達魯花赤合得俸祿擬合
比依主簿錄判一体支付相應

下縣添設達魯花赤一員

前件議得上項添設副達魯花赤公田俸擬合比
依簿尉一体支付相應

此處缺字

軍官俸米大德八年四月江浙行省劄付該為各奕軍官
俸米行據鎮定真定萬戶府申據本府鎮撫張瑋等呈亦
為此事如已後都省不准情願將已支過米糧抵數還官
仰行下各處如准管軍官開支驗各官實支俸鈔自大德
八年三月為始放支俸米取各官明白收管年終通行照
案奉此劄付本路依上施行去訖今奉省劄六月初五日
准 中書省咨送戶部呈參詳江浙行省各奕軍官吏等

不見于內有無就准軍身又無開例各各奕分花名合咨
本省照勘明白議擬相應咨請依上施行准此施行間准
中書省咨議得江南諸奕軍官司吏于內多有就准軍身
即與管民官吏殊別據例支俸米除就准軍身官吏別無
定奪其餘見任軍官照驗所支俸鈔自呈准月日依例幫
支年終通行照算咨請依上施行准此省府除外仰照驗
依上行下合屬行移本處萬戶府照勘就准軍身官吏支
過米糧依數追徵還官外據見任軍官自大德八年六月
為始依例幫支仍將三月至今已支訖俸米于下月合支
數內扣除施行

雜職官俸米大德十一年九月江浙行省照得近為住支
雜職官祿米移准 中書省咨該本省所轄蒙古教授鑿
學教授平准行用等庫俱係遷轉人員合得祿米依例支
給准此除蒙古學生鑿學教授另行外據庫官祿米送戶
部議得各處平准行用庫直隸行省懷致庫廣濟庫如無
職田不曾于各枝兒應當怯薛別名色支請口糧自承准
月日為始驗俸支付相應都省咨請依上施行

職田

官員標撥職田至元四年二月中書左三部承奉中書省
劄付近將隨路府州司縣官員斟酌定到俸鈔外據職田
合依舊例標撥奏奉

聖旨准欽此省府今比附舊例約量定到各路府州司縣官員
職田頃畝除斷沒地營盤草地外仰于本處係官并戶絕
地及冒占荒閑地內依數標撥召募培牛院客種佃依鄉
原例分收于內若有荒地于近上戶內斟酌時暫借倩牛
力限二年內逐旋耕墾作塾依上召客種佃已後各官相
公交割取明白公文申部類攢呈省無致回而多餘開要

違錯奉此省部仰依所奉 中書省札付內處分事理施行
統候標撥到各各項畝條段卓望四至備細照依連去
体式造冊二本申部

犯罪罷職公田不給元貞元年八月 日行御史臺江南
湖北道廉訪司申湖北湖南等處轉運司運使李羅自至
元二十九年六月為始因事停俸聽候却今在職辦課勾
當至元三十年六月才方罷職種過三十年公田占谷二
百三十五石五斗五升八合二勺已作闍官子粒還官合
无給付事得此照得先據本道申漢陽府達魯花赤囊家
歹因事被問停職月日似難支俸據本官三十年職田下

種子粒三百石省府盡數給付了當未審合无追徵事參
詳得替并身故官員職田皆以下種收租已有定例外據
有罪解任并被問停職當年不曾還職不應支俸者其職
田雖拋下種合无收租為係通例移准御史臺咨具呈中
書省照詳外據李羅係犯贓斷罷入數在先停俸在職辦
課本年職田合无收租亦係為例事理以此移准御史臺
咨呈奉中書省劄付送戶部議得諸官員犯罪罷職元請
公田雖已下種其子粒似難給付擬合沒官外停職被問
辨證得或被誣枉或所犯不該解任如本年還職所種子
粒合行給付如經隔年亦合沒官都省照得即係元貞元

年五月初八日已前事理除已移咨湖廣行省依例施行外仰照驗施行承此咨請照驗准此亦已行下本道照驗今准御史臺咨照得先准咨文漢陽府達魯花赤農家亦為被問停職月日不應支俸職田下種合无收租呈奉中書省劄付送戶部議得諸官員犯罪罷職元請公田雖已下種其子粒似難給付擬合沒官已咨貴臺依上施行今准前因合行回咨請照驗施行中書省定到体例各道提刑按察司隨路府州司縣官合得標撥无違碍地土召募佃客種蒔驗年歲豐歉依例分收無得椿配人戶科徵違錯

至元二十一年五月御史臺照行例

都省議得各處官員職田子粒合依鄉原例分收無得椿配若遇灾傷依例除免

大德六年二月都省例

中書省咨為各路添設推官并各州同知等官合得職田送戶部照擬得擬合先儘係官荒閑无違碍地内標撥如是不敷于隣近州郡積荒地内貼撥若无荒地照勘曾經廉訪司体覆遇无違碍戶絕地内撥付

大德七年都省例

職田驗俸月分收皇慶二年二月行省准 中書省咨

御史臺呈皇慶元年四月十七日本臺官

奏遇事内一件外任廉訪司官路府州縣官的職田腹裏路分施工布種的要來江南的芒種以前下種的分收有來

近年以來新田官遇自種田的時月交代了呵爭競職田的多有更有下種之後禮任的直到下年十月前後年方得職田有勾當一年的却得二年職田勾當二年的只得一年職田不均匀有天下官員俸錢勾當過一月呵與一月俸今後遇着新田官交代的時分他每應得秋夏職田子粒隨着各該支俸的月分扣算分收呵均勻的一般奏呵那般者麼道

聖旨了也欽此具呈照詳得此送據戶部呈議得官員職田田例腹裏施工布種江南芒種已前分收交代之際灾傷事故畚耕改種爭訟者多端如准御史臺奏奉

聖旨事意各驗俸月分收相應具呈照詳都省咨請欽依施行職田佃戶子粒皇慶二年六月江西廉訪司奉 江南行臺劄付該處監察御史呈伏謂天下之廣黎元之衆居總要者政不親民惟風憲之司牧民之官職當任重是以月奉之外復加之以公田養廉者務在政重民安也天祿不可以虛其賜天民不可以重其擾切照各處廉訪司有司官職田雖有定例地土肥瘠有無不同主佃分收多寡不等或有全缺不敷去處官挾其勢民畏其威无田虛包者有之逃亡閑納者有之影避差徭原輸者有之搭歛加要輕貴者有之人有貧乏時有旱涝官稅私租俱有減免之

則例獨職田子粒不論豈歎多是全徵豈親民之任哉理
合通行禁止違者究治黜降今後各官合得職田若有不
敷全缺去處驗其遠近依例于荒閑係官田地內約量標
撥毋致搔擾于民誠為兩便乞照詳得此憲臺相度標撥
公田已有定例非法取要者理合禁止究問仰依上施行

戶部卷之二

典章十六

分例

米 麵

使臣 祇應 酒 肉

官吏 雜例 粥

鹽油 雜支

柴 炭

草料

馳驛 正使臣

泉升正斤

正羊肉

正帑

乘

冬月一
行日支

如夏月必用乳酪于
本名各得分例酒肉
准等隨從不支酒肉
鹽油雜支鈔

宿頓

隨從同 隨從同

正斤 一斤

鈔錢

五斤

去處

正使臣

正從

炭自十月一日為始
至正月十日住支

換馬

支解渴

皆支

長行

正使臣

正從

馬一疋

馬一疋

一兩個為頭人員依分例支者
草自十月一日為始
至三月終住支

馬宿

與粥

飯者

日支一

日支一

料自六月一日為始
至七月終住支

頃處

差出 一升一斤

錢一分

所在官司驗差 劄應副經過處 減半

宿頓 一升一斤

去處 司吏日 司吏日

鈔一分 東

經過處官為應 副米麩

省部 支一升 支一升

送人同

食用新羊肉如 無殺與雞者

鷹鷂

海青兔鷃 早晨三兩 后晌二兩 鷹鷂鷓鴣

無殺與雞者

食例

早晨一兩 后晌二兩

進呈

金錢豹日 支七斤

豹子

大王豹日 支四斤

食例

小豹是 三斤

支淨羊肉過夜 不應副不折鈔

使臣

定下使臣分例中統四年四月二十一日河東宣慰司准 中書左二部關奉 中書省劄付擬到使臣人等祇應分 例仰依奉施行

起鋪馬使臣

換馬處 正使臣支粥食解渴酒 關端亦支粥

宿頓處 正使臣依本部所擬合支

白米一升 麩一斤 肉一斤 酒一斤

油鹽雜支鈔一十文 冬月一行日支炭五斤自

十月初一日為始正月二十日住支

隨從開端亦不支酒肉油鹽雜支鈔 白米一升

麪一斤

長行馬使臣如有賚把

聖旨

今旨并省部文面勾當官中公事一兩個為頭人員頓宿處
依分例支依分例支者下次人員與粥飯者外據馬足草
料亦依本部所擬支遣馬一疋日支草一十二
斤料五升自十月為始至三月終住支照得本
部元呈長行馬使臣依騎鋪馬分例支遣

呈下係官文字曳刺解子依本部所擬分例係宿頓處批

支

白米一升 麪一斤 雜支鈔一分 又至元二年同四月一欵

站赤使臣分例 二欵 至元十九年二月初十日通政院

奏准事內一件在城裏使臣勾當了呵喫得祇應宿住行有
又這個站裏喫了茶飯到那站裏喫不得呵笑的鈔要有
麼道奏呵兩個日頭茶飯與者如无勾當第三日休與者
喫得飽喫不得呵鈔休與者使氣力要呵寫將小名與來
者麼道

聖旨了也欽此

又至元二十一年二月十七日通政院官等

奏我從女真田地裏來的時分信州站戶每我行文字與着
告有來裏住的打捕鷹的忽都魯迴還家去的時分白
日經過時見在的羊肉與呵不肯喫俺行嗔責道不是要
訖^吃活羊喫了也俺每忽都魯根底攀着說有若別个的似
這般行的見有的肉與呵不吃要活羊吃的多有似這般
呵俺生受有您使臣每根底告有怎生

上位奏知的您識者麼道來麼道

奏呵呆站家與來也者如今見在肉有呵與見在肉者若見
在肉與呵不吃的人每根底水也休與者麼道

聖旨了也欽此

體察使臣人員分例至元二十一年八月 行御史臺准
御史臺咨檢會到中書省定例使臣分例正從已有定數
累年以來

朝廷使臣以至 中書省樞密院御史臺內外諸衙門一切
出使臣人等每到外路挾恃威勢願指風使外路官司抑
曲將迎恐拂其意有正名一人而給二三正名分例至于
從一人同正名不但如此而已又呼索盛饌多破物料遇
斷屠日所需素食品味比于肉食其費倍多酣酒命妓以
為故常年終打筭祇應文冊止依省部定到分例除豁名
數其破官錢何所從出必非各處官員于己身內出備豈

免虛名捏合互相抱補或有不敷陰取于民若不禁斷官民俱受其弊今後內外大小出使人員除正從人數外不得多要分例除正從分例外不得廣索貴細食品諸官司亦不得分付應副許諸人告首各道按察司嚴加体察如有違犯取問是實論如盜偷官物追賠元數取與同罪科斷似望各路官吏與差去使臣不敢措公私之費以結賓主之歡各務公廉以絕蠹弊為益不小呈奉到中書省劄付節該都省照得使臣飲食已有定例今後諸衙門差去使臣人員先行擬定正從員數始自起程脫脫禾孫及站官署押印信文憑行移前站依上應副分例如有多餘取

要人員除職官開具姓名申部呈省究治无職人員令各屬官司就便追理仍督勒各處祇應人員无得分付應副因而冒椿名項虛破官物除另行移咨各省劄付兵部通行合屬依上体察施行

出使衣裝分例元貞二年五月湖廣行省准 中書省咨江西省咨所管廣東地面接連海外諸蕃時復出使人員稱係

朝廷差遣元起鋪馬

聖旨劄付于福建泉州上船時分繳納所引人員稱係諸蕃貢獻諸物赴省索取冬夏衣裝鋪馬分例遞運脚力即係動

支官錢不見此等人員定例又无所費差劄文憑難辨真偽伏慮未應咨請定奪回示准此送戶部照擬回呈叅詳出使人員元費鋪馬

聖旨既于上船處繳納到官合令所在官司出給明白執照回日行省以憑照用所引諸蕃人員如有

進呈之物即同顯驗若无詐偽夾帶所索衣裝脚力等從行省斟酌照例應副間坐備細移咨都省照驗以備照勘准除相應都省准擬除外咨請依上施行

下海使臣正從分例事大德二年十一月十三日 中書省

奏遇事內一件明里不花等江浙省官人每與將文書來差將下海去的使臣每未到入去的時分早來有比及時分到呵騎小鋪馬吃祇應閑住七八个月又有正使臣并從人不分間將來有但差的下海去的使臣每根底必須應付一二年的祇應糧食不分間正從與呵多費錢糧今後正從人數分間明白勘酌合入去的時分相近數來呵省減祇應鋪馬明白的一般有與將文書來俺商量得他每的言語是的一般今後咱每這裏分間了正從人數斟酌時月教去呵明白也者當該官人每根底說與呵怎生奏呵奉

聖旨那般者欽此

使臣宿住日期分例大德三年 月 日江西行省准行
通政院咨承奉 中書省劄付陝西行省鞏昌便宜都總
帥府呈臨洮府申本府接連土蕃邊界衝要驛路過往人
員并西番大法師到府停住數月取要分例每起一月或
兩月不行起程支取分例逐年難以應當請就行通政院
禁約事准此照得至元十九年二月初十日通政院

奏奉

聖旨已經通行照會了當今據前因仰行移禁約施行

使臣合吃肉食大德三年二月江西行省據吉州路申有

朝廷差來官

諸王位下使臣索要羊肉雞鵝蒜酪老酒冬月索要木炭別

无許支明文乞明降事得此照得先准 中書省咨該

奏過事的一件江南做官去来的一个漢兒人說有江南行

底使臣每與猪肉魚兒雁鵝鴨吃不肯只要羊肉吃有那

田地裏每一口羊用七八十兩鈔買有這般教站赤生受

的一般奏呵若有猪肉呵與猪肉吃者无猪肉呵交與飯

吃者魚兒敢廣也者與魚吃者无呵也休與吃者羊肉鵝

雁鴨等飛禽休與吃者欽此

下番使臣山羊分例大德六年二月福建道宣慰司承奉

江浙行省劄付據杭州路申為應付下番使臣往回三週年分例各官不要山羊只要北羊其南北羊肉價錢每日增減不定今後下番使臣令支分例若應副山羊肉價周歲事省官錢四百餘定係為例事理移准中書省咨該兵部照擬回呈本部叅詳北羊既非南地所出出使人員分例若准行省所擬應付相應都省咨請照驗依上施行鋪馬分例大德八年七月江浙行省准 中書省咨御史臺呈為

諸王駙馬各枝兒勾當在各路裏幹辦公事鋪馬分例等事
大德八年三月二十八日

奏遇內一件大都省官人每奏將來在前

諸王駙馬各枝兒差使臣來呵勾當完備了不回去騎小鋪馬吃着在應住几个月也有到一年的推調者不去有麼道因那里題說的上頭俺商量着大勾當呵與七日小勾當與三日者除那的外餘剩不交與呵怎生麼道奏了各處行了文書來在後廉訪司官人每題說將來的上頭臺官每說這般與呵窄的一般有再交省官人每商量呵怎生麼道奏了俺根底與文書來如今京兆省官每也與將文書來

諸王駙馬每的使臣有軍情勾當呵行省裏為錢糧的勾當

并其餘管民官一處相關的勾當有呵比及他每的勾當完備依在前與來的體例鋪馬祇應與呵中也麼道題說將來呵大都裏伴當每說將來委實有那般勾當呵依在前體例與者勾當既了推事故不回去呵鋪馬祇應不交與除那的外他每的投下催趨幹脫錢地土造作勾當等與管民官无相關的勾當呵依在前已了的

聖旨交與呵怎生說將來俺這裏商量來不立限次呵不宜也者寬了的一般有軍情勾當與管民官有相關的勾當呵與半月限提調的省官路官每不揀該那个投下呵他每的勾當不交誤了即便完備與者與管民官无相關的勾

當呵有大勾當的與八日小勾當與三日鋪馬祇應呵怎生奏呵奉

聖旨那般者欽此

正從分例差劄上関寫皇慶元年正月江西行省准中書省咨兵部呈照得諸衙門凡遇差使人員赴部倒給鋪馬本部斟酌緩急輕重須予蒙古字別里哥字上漢兒字明白該寫正從兀刺赤幾名然後發落外據腹裏行省各衙門差來人員所費差劄并前站関文辨驗得多有不分正從一槩作正濫取分例及標寫兀刺赤在外多要馬足似此濫給甚多若不極治慮恐靠損站赤為此本部議得

前項事理擬合移咨行省通行腹裏諸衙門今後若有必
合差人公事須于差劄上明白標寫正從并兀刺赤名數
不惟革去泛濫之弊誠為省借官錢優恤站赤如蒙准擬
照會相應具呈照詳都省准呈

官吏

品任之任分例至元二十一年行中書省准 中書省咨
御史臺呈准行臺咨台州路總管府達魯花赤刺 呈照
得在先江南之任官員約量遠近斟酌品級俱各乘坐鋪
馬放支分例今既不許乘坐鋪馬自准已南所任遐迩不
同至于兩廣福建江西湖南浙東等處遠者數千餘里梯
山航海况于溪谷之間素無店舍縱有居民聞馬一嘶輒
皆閉戶驚竄不免投宿空屋人馬飢疲兼有盜賊輕則劫
掠重則致傷人命今後江南之任官員許令宿頓館驛放
支飲食馬匹草料庶幾官員不致訟路生受抑亦不使賊

人窺學生事具呈照詳都省議得今後應付任官員經直
前去任所自起程官司辦驗各官所受命勅牒許于館驛
內安下驗坐去品級實有人口應付粥飯仍行移前路官
司依上施行已有騎坐鋪馬者不在此例除外依上施行
三品不過五人 四品五品不過四人
六品七品不過三人

監臨分司分例至元二十九年行御史臺移准 御史臺
咨各道肅政廉訪司申前按察司上下半年巡按所至之
處關支分例今改正肅政廉訪司分治監臨坐地未審合
無照依按察司体例依舊支請緣係通例請定奪事本臺

議得各道分司官吏于分臨監治置司去處不須乘騎鋪
馬支請分例如遇馳驛巡歷按治勾當依例關支分例除
外咨請照驗施行

打箕人吏分例至元六年四月 中書戶部據河間路申
准山東東西道按察司公牒連到 中書省條畫內一款
該湏合勾追赴府類攢文字吏人所用飲食油火紙札仰
本管上司于祇應錢內斟酌從實應付照得本路合勾兩
轄司縣計撥稅糧戶丁地畝文字內吏并從人等到府合
用飲食等物申乞定奪得此議得除定到每處司吏并從
人飲食外油火即日夏月不係宿司時分并本路已有支

破定紙札上年別無支破體例不須應副呈奉 中書省
判送批奉都堂鈞旨送本部依准所擬并其餘當該路分
一体施行

司吏一名日支 米一升 麵一斤 雜支鈔一分

柴一束

送人一名日支 米一升 雜支鈔一分 柴一束

應副行省曳刺米麵等分例至元十七年三月 行中書
省據左司呈本省遇有急切文字立限差遣曳刺人等前
去各處投下差出人並無俸祿亦無盤纏合無令所在官
司驗差劄每名宿頓處應副米一升麵一斤經過處減半

事省府得此仰今後遇有本省差遣曳刺人等驗差劄依
上項分例應副施行

差劄內開寫分例草料大德四年三月中書省詔河南省
咨河南府申議擬到擾民事內一件陝州孟津等縣申每
年經過西番大師押運係官馬足每一匹日支草二束折
作一束料八升及馬二匹牽馬人夫一名前去隣境官司
交割其押馬人員于內夾帶梯已馬匹多死前路關文每
起牽馬人夫不下八九十名今後如有必合

進呈馬匹于始初起程官司取明白印信文字開寫實合應
付馬匹草料人夫各處官司依驗應付相應咨請照驗准

此送兵部議得今後各處官司必合

進呈馬匹于行移前路官司文字并押運人員差劄內明白開寫實起馬數何處送納該支分例无得擾民若押運人員與各州縣官司通同作弊取要錢物今各道廉訪司嚴加糾察相應得此照得先據兵部呈據真定路備安城縣申每年有四川行省土番宣慰司都元帥府等處差來西番大師色目人員管押

進呈馬騾并狗隻每歲馬不過一千餘匹狗隻不下一百餘隻到縣下馬别无費到差劄止費到各縣前路關文每馬一匹日支黑豆一斗草四束狗每隻日支米一升肉一斤

取要啖馬鹽貨籠頭繩索及元押馬人員正從飲食分例不見明白數目中間夾帶梯已馬匹狗隻極多于內枉費係官錢糧遞運人夫生受若不應付將本縣支持人吏當館人夫非理亂行打拷擾民不便本部議得似此人員因為

進呈經過去處取要分例馬匹草料未肯依例又无許支明文恃勢強取倘不滿意不惟官吏各被箠楚必致擾民以此叅詳今後各省并宣慰司等官員遇有

進呈諸物并所須物色須要經由本處行省倒咨却于咨文并所委官差劄明白開寫行移該行站道經過官司以憑

應付庶革前弊都省准呈請依上施行

應副豹子分例大德六年五月 日江西行省准 中書

省咨據通政院呈准致用院咨備宣使阿里呈回帆船
附載使臣阿密忽三馬下等

進呈豹子宣使阿里呈說有馬合麻等管押豹子赴北日要
无骨肉七斤折要中鈔鈔八兩五錢遇夜宿頓又要肉一
十四斤今後遇有起發豹子行移有司每豹子一个日夜
止應付帶骨肉七斤咨請照驗准此送據戶部呈備大都
運司申照得舊例分付金錢豹子一个日支羊肉七斤大
土豹每一个日支淨羊肉四斤小土豹每一个日支淨羊

肉三斤自來遇夜不曾應付肉貨及折鈔兩体例本部叅
詳今後如遇起發豹子沿路食肉若准大都運司所申應
付相應具呈照詳都省合行咨請照驗施行

應副鷹鷂分例至元八年八月 尚書省准 中書省咨
為順天路劉五十為收住免鷂不還官司用牛肉喂死都
省取招決訖四十七下奏

奏奉

聖旨既是那般呵打也不合打咱已前為這着鷹不還官司底
人教死者麼道行下文字來那底忒重有今已後海青鷹
鷂等拿着呵理會的人于就近官司便送納者不理會的

人于暗房子裏坐下海青鷹鷂等教人看管休教猫入去
即便于就近官司說了者官司取去差會養鷹的好人送
來者那般行文書者欽此通行各路出榜所據收住合喂
鷹食今約量擬定下項數目仍令食用新肉如元新羊肉
殺與雞者 省府除外仰照驗施行

海青鬼鷂

早晨二兩

後晌三兩

鷹兒鴉鷂

早晨一兩

後晌二兩

祇應

祇應酒麪則例至元七年六月

中書戶部承奉 中

書省札付勾到隨路人吏打算至元五年八月至至元六
年十二月終祇應錢谷數內照得各路黃糯米出酒升栲
并小麦變麪斤重多寡不一為此擬到下項事理呈奉
尚書省判送批奉 都堂鈞旨送戶部唯擬施行

黃糯米出酒升栲隨路多少不一為此取到中都上
醞局并廩給司申見醞造祇應杯酒每米一石出
酒四十五瓶大每瓶折酒二升計酒九十升省部
擬依中都尚醞局造酒升栲体例每米一石要出

乾好酒九十升今將依廩給司見用升杓一樣成
造到鉄釘木升一柄印烙作樣隨此發去仰照驗
依上施行仍將發下升杓作樣常川收貯更仰摠
管府依元樣成造比較相同圓押印烙使用不得
應副宣使人員酸薄杯酒亦不得尅減分例違錯
小麦變麪斤重隨路多少不一今公議得每麥一石
要磨白麪七十斤却不得應副宣使人等不堪食
用麪貨亦不得尅減斤重違錯

祇應月申數目至元十八年十二月 御史臺承奉 中
書省劄付于閏八月二十五日

奏過事內一件隨路管站的官人每使臣每根底少與了却
說謊多寫着多破了祇應做罪過多也更破着長行馬匹
草料俺商量來交樞密院御史臺行省各諸衙門一月裏
頭差了的使臣一月省家裏與數目者交管站的官人每
他與數目者兩下裏查對了呵說謊的也出來也後頭不
敢做罪過也奏呵是也那般行者

聖旨了也欽此

官為應付首思至元二十一年四月通政院准來咨所轄
站赤天熱山路崎嶇鋪馬倒死頻併站戶自行補買更自
備首惡靠損生受擬合官為應副請照驗事呈奉中書省

照詳回奉都省劄付准擬施行

祇應使臣分例官為給降至元二十五年湖廣省准尚書省咨欽奉

詔書條畫內一款節該軍國事務往來辦集全藉站赤氣力近年以來馬價益增又令站戶自行祇應使臣飲食以致站戶疲弊今後驛馬依舊令各戶置備外其餘祇應分例你官為支給欽此據各站仰依例應付于年鋪錢內逐一照算施行不得尅落承此

又至元二十八年三月欽奉

條畫內一款差出使臣飲食已有定例分例在前官司給降

錢數不足其間官吏又有尅除致令社長大戶輪番祇待百姓深以為害今後合該鈔數以時溢實給放毋復歛及百姓欽此

為祇應鈔事至元二十八年御史臺咨奉 中書省劄付

來呈濮州臨清縣司吏付汝林等侵使祇應鈔事都省據至元二十八年祇應鈔已經二次就于各路課程內放支中統鈔一萬一百定俵散各處從實銷用若有不敷預為申關及有出使人員還省說稱隨處官司俵散民間出備今再行議到合行事理差官馳驛前去與各路正官依上施行今後仍令本處正官每月分輪提調去訖今據見呈

除別行外今將二次行訖事理開坐于后仰照驗施行

四月初五日行訖

祇應斟酌府州司縣驛程繁慢俵散務要均平無致
當該人吏中間尅減其見發鈔數比及支盡須管
預為照勘開申即便撥降不得似前分毫科取于
民

祇應合用諸物各須依時起賤預為準備務要省惜
官錢無致中間作弊

所管去處各該祇應鈔數須令每月具報元收已支
備細名項并見在數目隨時照勘若有支使不應

即勒當該之人賠償

使臣已才已有定例仰取當該祇待人員執結文狀
不得數內多餘破用其使臣人等強取者開其職
名申覆合屬上司理會仍從按察司糾彈所在驛
舍出榜張示

祇應鈔數置歷收附從實支銷其見在數日本路正
官常切点檢無致侵移借用

六月二十八日行訖

發祇應鈔數照勘本路并所屬去處各各均俵數目
是否相應除已支撥外檢較見在鈔數若有侵使

短少即勒賠償仍取當該人員招伏在職官者呈
省餘溢差去官與本路官司就便斷決

祇待合用諸物各須依時起賤和買明置文簿送實
支銷毋得循習舊弊預不准備臨時賒買多費官
錢

合用柴薪斟酌周歲可用數目于農隙時月計稟肅
政廉訪司官于近上下多戶內明立文卷具名置
簿差倩人力驗數採取置曆支銷

合用造酒米麩斟酌周歲可用數目于本路合納稅
糧內驗數除留起時準備造酒支用

擇近便官地就用當館人夫修置菜圃以供公用如
無空閑官地去處不拘此例

見今人戶祇待去處取問元歛錢物已置備下酒肉
米麩者責付本處官司別項作數通行支用比見
在錢數差官同元祇待人驗數均給人戶收管仍
取當該違錯官吏招伏申部呈省及今欽依

詔條隨處驛舍出榜曉示

各處所委祇待人員凡使臣用過飲食數目每日具
報所在官司逐旋檢較毋致冒破官錢

發鈔數如有不敷照勘實有見在預為申部隨即撥

降母得似前民間科借

添支應鹽醬錢至元二十九年正月御史臺咨奉 中書省劄付兵部呈據順德路申該本府祇應所狀申切見祇待往來

朝省宣使官員合用飲食分例每員除依例應副米麪酒肉柴薪外止破油鹽雜支鈔三分委實不敷申乞明降本部看詳出使人員驅馳終日其給經過宿頓去處除依例應副米麪肉貨外必用纖湏鹽醬元破中統鈔三分即日不敷所直以此纖湏之費致令各處官府為難今來量擬添作至元鈔二分支用度幾不悞祇待如蒙准呈早賜明降

都省今擬添作中統鈔一錢除外仰照驗施行

規劃祇應延祐六年江浙省准 中書省咨大德四年四

月十二日

奏遇事內一件去年

皇帝根底奏來漢兒城子裏有的站赤祇應錢物每年從這裏與將去年終打算有比附與的錢不敷斟酌與了交管民官從長規劃依時節收買雞鴨猪羊孳牲着用的時分祇應者麼道奏了支行來如今各處行省管着州城裏也依這体例交行呵省減官錢百姓也得濟有麼道與將文書來行臺與將文書來行臺官人每也依着這言語與將文

書來有俺商量得依腹裏体例交行呵怎生奉
聖旨那般者欽此

雜例

長行馬斟酌盤纏中統五年八月初四日 中書省欽奉

聖旨內一款節該今後諸路官吏遇省部勾集若騎長行馬斟酌
酌定立起發盤纏騎鋪馬者不須應付

軍官有俸休應副飲食至元十七年四月 行中書省准

樞密院咨該准來咨准東道宣慰司呈據臨安府狀申有
諸衙門官員往來取要飲食分例又有蒙古萬戶千戶人
員照依先例萬戶羊肉三十斤麪三十斤米三斗酒三十
升千戶減半百戶比千戶減半乞照驗事得此本省照得
至元六年定例即係未請俸之先今又准樞密院咨上坐

萬戶千戶百戶宿頓處合支酒數即不見宿頓經過合支米麪肉貨分例請照驗就便定奪各各分例回咨事准此本院照得軍官已定例俸給據米麪肉貨別無定奪外據酒數已有中書省劄付定到分例合行回咨請照驗依例施外

站赤祇應庫子大德十一年正月江浙行省近為各路申稟站赤祇應庫子于捕盜司二吏內選差不便移准中書省咨大德七年奉使宣撫與本省講議得各路祇應庫子于本站水馬戶餘苗糧內差役二名就准本戶里正主首身役下半年交替大德八年都省咨各處祇應庫子人

員于捕盜司見役人吏選差多係無抵業皆非歸實失陷官錢不便除已行下各處權依奉使講議站餘有苗糧酌中戶內貼差一名上下半年交替就准本戶主首里正外咨請照驗准此都省相度如果便益周歲交換咨請依上施行仍具依准文狀呈省奉此照得先奉省劄亦為此事已行下本路依上点差發付各站祇待去訖今准前因仰照驗施行

禁治久食分例延祐二年正月 江南行臺准 御史臺咨承奉 中書省劄付來呈備監察御史呈榆林驛申奉兵部別里哥談有宣徽院節次差委和尚買得用等一十

一起一十七人到驛抽分羊馬日給鋪馬關支分例驗得
輕贖

聖旨南口口白羊等處抽分羊馬各人輒赴本驛住頓趨食分
例半年才行住罷累申兵部未蒙明降追回元食首思給
付本站各人罪犯就便懲戒其餘站亦有似此人數擬合
一体禁治相應具呈照詳得此送據兵部呈行據宣徽院
經歷司呈奉本院劄付照得都省承奉

聖旨節該抽分頭匹羊口自前是宣徽院管來如今迤北蒙古
百姓每各千戶并各處口子裏交他每委人抽分者城子
裏交本處官司就便提調抽分者欽此委令和尙等充南

北口等處抽分羊馬官勾當不見禿定置司去處各人不
應于榆林驛置司貪飲食首思常行坐鋪馬一節合從兵
部体例定奪具呈照詳得此照得欽奉

詔書內一款節該延祐元年正月二十二日已前除謀反大
逆謀殺祖父母父母妻妾殺夫奴婢殺主致命致命但犯
強盜偽造寶鈔及官吏取受侵盜係官錢糧不在原免其
餘一切罪犯已未發覺並從釋免欽此本部議得宣徽院
所差抽分羊馬官和尚買得用各人止于所替南北口等
處抽分羊馬速奉却于榆林驛置司聚集常川騎坐鋪馬
支請分例係延祐元年正月二十二日已前事理似難追

給今後抽分羊馬官即從都省劄付宣徽院嚴加分揀搏
節應差人數欽依

聖旨事意于南北口等處起時依例抽分羊馬毋致似前于榆
林驛聚集坐食首思長騎鋪馬搔擾站赤違錯切恐其餘
站赤行省所轄去處如有似此人數擬一体禁治相應開
坐具呈照詳得此都省已札付宣徽院移咨各省依上施
行

戶部卷之三

戶計

籍冊
承繼

典章十七

軍戶

分析

斷例一十七二十七三十七四十七五十七六十七八十七

達魯花赤

知州
同知

各解見任期年
後降先職一等
叙用

同前

解見任別
行求仕

達魯
花赤

權司吏

請俸
罷役

主簿縣尹

州官占戶
供送粟麥
縣送柴草
米送粟麥
縣送粟麥
錄事司官
隱占戶計
供送油菜
縣吏占戶
取要差發
縣官一
面科差

州判
簿尉

籍冊

戶口條畫至元八年三月欽奉

皇帝聖旨據尚書省奏乙未元年欽奉

合罕皇帝聖旨抄數到民戶諸王公主駙馬各投下官員分撥
已定壬子年欽奉

先帝聖旨從新再行抄數當時行尚書省不曾子細分揀至今
二十年間爭理戶計往復取勘不能裁決深不便當今次
取到逐項諸色人戶檢會到累降

聖旨欽依分間定奪各各戶計擬到逐款体例所據取勘到合
當差發戶數依已降

聖旨再行添額並令協濟額內當差人戶事准奏仰隨路府州
司縣達魯花赤管民官吏管軍官及不以是何投下諸色
人等照依 尚書省所奏條畫事理施行

諸王公主駙馬并諸官員戶計

諸附籍漏籍諸色人戶如有官司明文分撥隸屬
各位下戶數曾經查對不納係官差發別無
經改者仰依舊開除

諸逃北隨營諸色戶計于壬子年籍後前來隨處
看守庄子放牧頭匹或諸處寄留人等不曾
附籍即目于本使處送納錢物之人隸屬各

道

諸位下并諸投下人員招收到附籍漏籍放良還俗等人戶會到

合罕皇帝聖旨節該民戶內續數出來底漏籍民戶有呵只教都屬那見住州城田地裏有者其無招收來底人不須管領又奉

先帝聖旨諸王公主駙馬并諸投下不得擅行文字招收戶計除將各位下已收人戶

詔書內一款節該諸路應有漏籍戶并老疾女戶截日並行分付本路管民官收係其斷事官元差頭目

盡行罷去又至元元年諸王共議定

聖旨條畫內一款依着

先帝聖旨諸王公主駙馬并諸投下不得擅行文字招收戶計除將各位下已收人戶照依累降

聖旨改正分付各路收係當差仍常切禁的投下人員元得似得亂行招收如有違犯之人仰管民官捉拿取問是實申解赴部呈省究治如管民官今後不肯用心收拾及看循面情縱令諸人招收人戶實是解任斷罪

五投下戶

上都北京西京隆興平滦五路戶計為有爭差至
元二年 中書省欽奉

聖旨據納陳駙馬帖里千駙馬連哥國王鍛真忽都五投下戶
計仰差官與各投下頭目各州縣管民官勾
集元主并驅戶一同對證得委係各人出軍
時馬後稍將來底人口達達數目裏有呵分
付本投下者于當差額內除豁如對証委係
好投拜人戶及在後投屬或本投下招收到
底人戶作民當差欽此 中書省差斷事官
帖木烈三島等前去北京松州興州平滦西

京宣德等處欽依

聖旨一戶戶檢照乙未壬子籍冊對証分間定造到備細文冊
據今次取勘到前項軍站人戶于元報冊內
查照相同依舊開除外有壬子年元籍無爭
差蒙古牌甲內當軍站戶計亦仰開除
中都迤南路分壬子年元籍除差軍站戶見行應
役或納錢物者依舊開除外別無身役戶數
仰收係當差

中都迤北隨營諸色人等于壬子年籍送前來見
應當軍站差役之人依舊開除

各役下軍站戶

壬子年隨路元籍除差軍站戶計見行應役或納錢物者依舊開除外別無身役戶數即仰收係當差

迤北隨營諸色人等于壬子年籍後前來見應當軍站差役之人依例開除

隨路壬子年抄過諸色人等戶會到辛亥乙卯年間兩次

先帝聖旨節諫不揀甚麼人底民戶州城子裏去了那田地裏種田蓋下房子住坐有呵只那住底田地裏

和那本處民戶差發鋪馬一般當者根脚千戶百戶裏有底渾家孩兒人口每千戶百戶裏也教依舊體例裏當差發者俺每底

聖旨省諭聽了呵不揀差發鋪馬祇應不當無住處不去趨避隱藏底人本人處死財產沒官當時前行尚書省依着

先帝聖旨欲將此等戶計科差却稱俺每起移元住田地裏去此上除了差發來今次取勘却有不曾起去戶數仰依着

先帝聖旨收係當差

軍戶

蒙古探馬赤投下軍人不在當差額內無間附籍
漏籍應役不應役今次取勘到官發與樞密
收係就便定奪

漢兒軍戶不在當差額內者

諸正軍今次手狀

見萬戶千戶有當役去處及不應役人等或經分間
貧難聽候軍戶無間附籍漏籍依舊充軍

稱見在軍前當役之人軍籍內照不見姓名今
次取勘見數亦仰充軍

稱津貼某人軍身查照軍籍內有姓名者作貼
戶無姓名者收差

諸正軍并貼戶下合併裹攢戶今次手狀

稱乙未壬子兩年另戶附籍或漏籍如軍籍內
有姓名者依舊與戶頭貼戶當軍如無姓名
者收係科差

諸放罷貧難正軍已收入額當差并改撥作匠軍
人其元籍貼戶兩耽到今不曾應當差役仰
收係當差

站赤戶

蒙古站戶脚色明白見在當役去處依舊當站

漢兒站戶無問漏籍附籍于元撥站戶戶籍內查

照相同依舊當站外查照不見戶數收係當

差

諸色人匠

係官諸色元籍正匠并改色人匠見入局造作者

依舊充匠除是

諸投下壬子年元籍除差畸零無局分人匠自備

物料造作生活于各投下送納 錢物之

人依舊開除外不當差役人戶收係當差

諸投下蒙古戶并寄留駝口人等習學匠人隨路

不曾附籍每年自備物料或本投下五戶絲

內關支物料造作諸物赴各投下送納者充

人匠除差

諸壬子年附籍諸人諸色人等別無上司改撥充

匠明文雖稱即日入局造作或于各投下送

納者仰憑籍收係應當差役

諸漏籍戶投充人匠改正為民收係當差

驅良 蒙古牌甲戶駝

壬子年另籍蒙古牌甲駝戶自抄數已後每年爭

告雖經省部断定終不絕詞照得甲午年欽奉

合罕皇帝聖旨不論達達回回契丹女真漢兒人等如是軍前虜到人口在家住坐做駝口因而在外住坐于隨處附籍便係是

皇帝民戶應當隨處差發主人見更不得識認如是主人識認者斷按打奚罪戾又照得

先帝聖旨節文這新撮摠已後數目裏入去了底休例呵誰民戶有呵俺每虜來底寄留下底種田底出軍底那般推辭咱每根底不商量住來底田地

裏休起移者打捕鷹房不問是何投下民戶有呵依着您每定下底差發抄上過本城子裏官人每根底納者欽此所據另籍駝戶已在當差額內依着

合罕皇帝聖旨

先帝聖旨裏依舊當差主人不得識認起移外今次取到駝口雖係壬子年另作附籍當時開除止納本使錢物到今不曾應當係官差發依舊除豁不行收差

壬子另戶附籍額內駝口各處作逃亡事故開除

至今不曾送納係官差發今次取勘到官雖
壬子年另戶附籍仰依舊開除

壬子年主奴不曾附籍依舊開除若本使附籍戶
下漏抄駭口已在當差額內主人不得識認
外不經收差戶計今次手狀稱見當本使差
役者依舊住坐不當本使差役者仰作漏籍
戶收係當差

乙未年另籍駭戶欽依

合罕皇帝聖旨便是係官民戶如壬子年却不曾抄上仰作漏
籍戶收係當差主人不得識認

已未壬子二年本使戶下附籍人口各年軍籍內
不曾攢報並仰收係當差

乙未壬子二年本使戶下漏籍人口因而在外另
籍或不曾附籍在後本使却于軍籍內作駭
攢報之人即仰為良充貼軍戶計

諸色戶驅良

乙未年附籍民戶壬子年于他人戶下作駭抄上
或漏籍仰改正為民收係當差如經過趙小
來叛亂被虜為駭及為李佛兒斷沒之人不
在此限若壬子年另戶附籍依例定奪

乙未壬子二年

本使戶下附籍駝口因而在外另作駝口或寄留種田人等附籍依例收係科差仰于本使戶下除重籍人丁差役

本使戶下不曾附籍其駝口在外抄過者仰依例收係科差

本使戶下附籍駝口在外不曾另籍今次雖稱宅外另居及好投拜民戶依舊為駝

乙未年本使戶下附籍駝口壬子年戶下不曾抄上仰作漏籍戶收係當差主人不得識認

乙未壬子二年主奴俱各漏籍即目另居今次取勘到官不在當差額內者依舊為駝

今次取勘到無使駝雖稱他人駝不見本使下落收係當差已後主人識認照勘是實分付本

使

放良民戶

諸良書該寫任便住坐或為良者仰依良書收係當差

諸駝口壬子年已前得訖良書却于他人戶下作駝附籍比及照勘以來除軍站急遞鋪駕舡

人等戶下附籍人口照籍相同改正為良充
貼戶外其餘諸色人等戶下籍過戶數並仰
收係當差

諸投下放良戶良書上該寫不得投屬別管官司
戶數仰作本投下人戶收係當差

諸良書該寫如遇抄過為良或作戶者仰依良書
另立戶名收係當差

諸良書已放為良任便住坐其本使再立津貼錢
物或分當差役等文字並不准使仰依元放
良書為民收係當差

諸人駝口雖與財物同若駝口宅外另居自行置
到重駝元買人出放為良者並從為良本主
底使長不得爭理

諸放良戶年限未滿或贖身錢未足者仰合屬官
司籍記收戶候限滿錢足至日科差

諸壬子年附籍漏籍戶已經上司分撥與各投下
并諸官員戶計如戶下駝口本主放良者憑
良書依例歸着

斷案主戶

諸犯刑官員已經朝廷斷沒家屬并戶下駝口並

依已斷發付合屬收係

諸色人等因為犯事不問罪名輕重一例將人口財產斷沒給與事主或所斷官員分訖中間亦無所犯情罪不及斷沒人口今擬在前已經欽奉

聖旨并諸王令旨忽都虎官人文字斷過者別無定奪外其餘斷事官府州達魯花赤官員擅自斷訖之人除犯重刑者另行定奪外餘者雜犯人等改正為民收係當差

幹脫戶見奉

聖旨諸王令旨隨路做買賣之人欽依

先帝聖旨見住處與民一体當差

回回畏吾兒戶欽奉

先帝聖旨不揀甚麼人底民戶州城裏去了底只那住地面裏

和那

和那本處民戶差發鋪馬祇應一般當者那

根脚千戶百戶裏有底渾家孩兒人口每千戶百戶裏也教依舊体例裏當差發者仰收係科差如回回戶內有新僉出軍戶數至日開除

答失蛮迭里威失戶若在回回寺內住坐並無事產

合行開除外據有營運事產戶數依回回戶
体例收差

打捕戶

壬子年附籍打捕戶應當絲料色銀替頭裏送納
皮貨到今別無定奪若有爭差戶計經官陳
告者仰照乙未年元籍名色歸着

壬子年附籍打捕戶送納皮貨不納斤絲仰揭照
壬子元籍相同止令應當絲料如不係打捕
戶計即便收係與民一体當差
手狀指稱打捕戶不納皮貨亦不當差之人無問

附籍漏籍收係與民一体當差

儒人戶

中統四年不經分揀附籍漏籍儒人或本是儒人
壬子年別作名色附籍并戶頭身故子弟讀
書文高智耀收拾到駱儒仰從實分揀能通
文學者依例免差不通文學者收係一例當
差外諸色人戶下子弟讀書深通文學者止
免本身雜役

析居戶

軍站急遞鋪駕舡漏籍鉄冶戶下人口析居者揭

照各籍相同止令依舊同戶當役如無者收
係當差

民匠打捕鷹房諸色附籍漏籍人等戶下人口析
居者依例收係當差如局分見役人匠不敷
從 尚書省定奪

運司煎鹽灶戶下人口析居者仰充灶戶收係當

絲料

招女婿

養老女婿

妻亡出舍另居自行娶到妻室却稱津貼丈人戶

下差發或納本投下差發之人仰收係當差
外擬丈人出備財錢別行求與妻室及分訖
事產津貼者依舊同戶當差

元議養老女婿有丈人要訖財錢或因事已將元
妻休弃即日另居別行娶到妻室無問籍內
有無收係當差

良人于他人駟戶住作養老女婿即自養老丈人
丈母另居其元使或弟男依舊作駟使用除
軍站急遞鋪兵駕舡戶揭照各籍內有姓名
者為良作貼戶收係外其餘民匠諸色人等

無問籍內有無即仰收係當差

年限女婿

歸宗與父兄同家住坐應當差役之人別無定奪
年限已滿不行歸宗今次另供到手狀戶數仰收
係當差

年限未滿即自另居取到手狀之人仰合屬官司
籍記作戶收係候年限滿日依例科差

諸奴婢嫁娶招召良人至元六年正月內 中書省
行下戶部通行隨路不得嫁娶招召良人如
委自願者各立婚書許聽為婚已行禁約束

今擬照依前例成婚如正駈已死仰令良人
所生男女另立戶名收係為民如軍籍內有
姓名者為良作貼戶

諸人戶丁漏抄親駈人丁今已成丁雖稱與父兄或
本使同戶應當差役者無問軍民人等並仰
收係當差若軍籍戶下人口軍籍內查照有
姓名之人同戶當軍

砂井集寧靜州按打堡子四處壬子年元籍受不花
駈馬位下人戶揭照元籍相同依舊開除
諸附籍漏籍合併戶數如自願析戶者另行收係當

差不願者聽仍令各屬官司籍記見數應當
差役

隨朝并各位下諸色承應人見不承應者收係當差
隨路諸色不當差人戶除軍站戶限地外照依累降
聖旨種田納稅買賣納商稅

今次取勘戶計若有隱漏者送 尚書省立限刷勘
施行諸投下不得招收違者治罪

尚書省今次分間到諸色人戶已後諸王公主駙馬
或投下人員爭理戶計公事依着

先帝聖旨不得一面起移亦不得擅自更改須當經由 尚書

省照勘依例定奪施行

涿州合蘭木西京忽蘭南京張子良各管戶計欵依

聖旨已經革罷隸屬各路為恐元管人戶爭差且令各投下頭
目管領科差今次取勘見數其元委頭目合
行罷去仰各路依已行收係科差

照勘漢兒戶計至元二十一年十一月 中書省咨十一

月初一日奉

聖旨這裏漢兒每寨子田地裏去了的多少有各城子裏出榜
文要數目者隱匿的人有罪過者欵此都省咨請欵依
聖旨事意行下取勘上項戶計元籍州縣村坊見住去處根脚

應當是何差役造冊咨來仍出榜省諭無得隱匿如有違犯之人斷罪施行

軍民已籍為定至元二十一年江西行省據撫州路民戶黎孟一告自亡宋至歸附後係民戶附籍有叔黎千三亡宋時係不請鹽糧寨兵各居歸附後已行身死本路軍官李彈壓強捉鎖縛充軍監禁不放等事叅詳各翼新附軍人俱有定籍民戶已有抄數到官戶冊各依已籍為定不許軍官經直差人勾擾百姓充軍是為便當都省准擬劄付樞密院照驗施行

屯田戶計至元二十五年 月日欽奉

聖旨節該尚書省見于芍陂洪澤兩處勅立屯田事早為成就聖旨事准奏仰行尚書省從長規畫務要屯田事早為成就將已撥軍人戶計更為召募江淮等處人戶願入屯者常切存恤仍免一切雜役務農其間諸人毋得沮壞欽此抄數戶計事產至元二十六年 尚書省咨欽奉

聖旨事意節該不以其何投下大小人戶若居山林畝洞或於江湖河海舡居浮戶並赴拘該府州縣一体抄數毋得隱漏據抄數訖戶計有司隨即出給印押戶貼付各戶收執于內土居寄住人戶編立保甲通相覺察毋令擅自起移隱漏口數裹攢戶口死罪隣佑漏報人口知情不首一百

七十漏報事產七十七下欽此
又至元二十八年三月欽奉

聖旨內一款該江淮迤南近因抄數戶口民間意謂科取差發
妄生驚疑自來戶籍乃有司當知之事其言疑懼

檢舉戶地籍冊至元二十九年八月准 御史臺咨監察
御史呈為大都路失散戶地籍冊事今後擬令各路府州
司縣將自前至今抄數到諸色戶籍地畝干照文冊取勘
見數補寫完備如法架閣正官首領官得替相訟交割解
由內依式開寫察官照勘卷時依期檢舉但有不完隨即
究治呈奉 中書省准呈施行

軍男與民已籍為足大德二年四月 江西行省准 中
書省咨來咨臨江路軍人劉貴將男劉賢弟子至元十七
年過房與民戶楊四玉為男二十一年劉貴告首充軍隔
兩月身死二十三年伊妻阿陳改嫁他人二十七年抄戶
楊四五將劉賢弟立名楊繼生於戶下供籍外據劉貴為
係戶絕萬戶府將本人除豁了當若准所據為民係為例
事理請定奪送戶部行據省架閣庫拖照得臨江路至元
二十七年抄戶內民戶項下楊四五籍內委有男楊繼
生名字本部看詳劉賢弟雖係軍人劉貴親男却係伊父
劉貴將本人自願過房與民戶楊四五為男之後本人充

軍身故楊四五既於至元二十七年抄戶時分已將劉賢弟立名楊繼生供報入籍擬合為民當差乞照詳 都省准擬咨請依上施行

儒醫抄數為定大德五年二月湖廣行省劄付檢會到至元二十七年八月初六日欽奉

聖旨抄數戶計又准 尚書省咨議到抄數諸色戶計數內儒人戶計議得腹裏儒戶至元十三年試中者止免一身差役所據江南儒人比及選試分揀定奪以來將歸附之初元籍儒戶於儒戶項下作數外據已後續收儒戶收係為民之醫人戶計議得除先收拾到醫戶內有名字并節續

赴

土承承應醫戶作醫戶攢報外據其餘各年續收醫戶擬合於民戶項下攢報省府相度至元二十七年抄數籍定儒醫戶計擬合欽依除免雜泛差役外據續收戶計別無定奪合下仰照驗施行

災傷缺食供寫元籍戶名至元三年十一月江西省准尚書省咨戶部呈查照得隨路報到科徵至大二年差稅倚免項下被災曾經賑濟人戶姓名與差定鼠尾并實徵解內戶名遞互差拗不同畧舉如益都一戶鼠尾劉珍賑濟卷內李黑兒實徵解內注寫劉珍同戶李黑兒有鼠尾

冊內系料數少實徵倚免數多者有不曾申告實傷賑濟實徵冊內倚免者有同戶張三支請賑濟却將不經賑濟戶頭李四差發一例除免者又賑濟元文明該受官各處從下分間貧窮不能自存小戶賑濟今次查照得曾經賑濟人戶數內有請鈔一二兩或支米三四斗除免合該絲五七兩有至三二百兩者此等人民難為貧下小戶亦有寫居人戶正名不曾申告災傷賑濟其各管頭目人等代替申報各州縣並不照勘取問便行移文元籍官司倚除似此名項甚多不能一一遍舉蓋是各處當該官吏不以錢糧為重縱令鄉胥人等與人戶通同捏合作弊冒倚差

稅叅詳今後各處倘遇申告災傷或稱缺食者須要人戶供寫元籍戶名及見告人名字稱說係是戶頭某人子姪弟婿舅外甥審問明白方許受理寫居者亦依上例令各戶親赴見住地面官司陳告休覆保勘是實各用勘合關牒行移元籍官司以憑查勘除若如是依前供告不明姓名差拗冒申多倚或頭目人等代替申告及將上中戶計妄作貧窮缺食下戶支請錢糧冒除差稅定將該該官吏追賠斷罪似望少革其弊如蒙准呈遍行照會都省准擬依上施行

打捕戶計皇慶元年正月江西行省准 中書省咨來咨

南康路申打捕提領趙高所管打捕戶計未經各處州縣發遣乞照驗得此咨請回示准此送據兵部呈行送管領諸路打捕鷹房總管府狀申於仁虞縣交割到元行文卷內檢照得別無上項卷宗照得至大四年三月十八日欽奉

詔書內一款節該諸色人等各有定籍今後各投下諸色人並遵

世祖皇帝以來

累朝定制不得擅招戶計誘占駟奴違者治罪欽此除欽依外擬合將趙高依例革罷外據打捕人等額納皮貨有司

依舊管領相應庶望不致擾民違錯申乞照驗得此本部參詳合准本府所擬移咨行省將趙高革去所納皮貨令有司管領相應具呈照詳都省准擬

軍戶

漏籍軍戶為民至元六年三月 中書省部來申曾紅花
 辛保本管民戶張鈞男張文煥狀告有壬子年間籍收張
 聚刷作私走小路軍人其元供手狀止報張聚三口別無
 文煥姓名依例收係為民當差事省部照得近據平陽路
 申私走小路軍常德告與伊父常存一同當軍乞除合着
 差發為元供私走小路手狀內止該寫常德并妻男當房
 五口別無伊父常存並其次弟男家口合令常德充軍外
 常存依舊當差呈奉 省劄准擬去訖今據見申准抄到
 張聚當房三口元 私走小路手狀別不見元供的本手

狀仰更為照勘張聚元供的本手狀如委係當房三口別無張文煥姓名家屬土上施行

年限女壻不入軍籍至元七年三月 中書右三部近據來申涿州范陽縣李怙驢狀告壬子年於姑夫馬郁戶下附籍丁巳年姑姑李氏主婚於本州軍戶下十家內與姑女青兒為婚一十年為滿如是丈人戶下但有軍役並不干怙驢之事此時令韓先生寫託合同婚書各自收執却有丈人馬十令伊姪男鄭家奴前來怙驢處取要貼軍錢物乞定奪事得此看得馬十妻阿刘狀供相同施照已未年軍籍內阿刘名下將婚李怙驢籍定府司若便依元立

婚書斷歸誠恐未應得此本部參詳李怙驢已是出舍雖是已未年革籍內馬十戶下籍過擬合出籍與壬子年同戶姑夫馬郁一同當差呈奉 都堂鈞旨送本部准擬施行

分析

抄數後分房者聽至元七年八月 尚書戶部近據太原
 路申見取勘不當差戶計協濟見當差人戶於內析居戶
 計若戶長與戶下俱願析居別無定奪中間却有戶長願
 戶下戶不肯順從戶下戶願戶長却不從順乞定奪事省
 部議得見欽奉

聖旨條畫壬子年合併抄上戶計自願析居各另者聽從民便
 欽此呈奉到 都堂鈞旨擬定下項析居戶体例照依施
 行

一同姓叔姪兄弟壬子年同籍至今同戶當差者止令

依舊一戶當差如百兩願析戶者聽

一同姓叔姪兄弟壬子年同籍異居同戶當差雖是異居未經分另者兩願析戶者聽

一同姓叔姪兄弟已有支析文字另居文書或無文字已經分另異居者雖是壬子年同籍一戶當差不以戶長并戶下自願析戶者聽

父母在許令支析至元八年七月御史臺承尚書省札付來呈監察御史体究得隨處諸色人家徃徃父母在堂子孫分另別籍異財實傷風化乞照詳送戶部講究得唐律祖父母父母不得令子孫分另別籍又舊例女真人其

祖父母父母在日支析及令子孫別籍者聽又條漢人不得令子孫別籍其支析財產者聽今照得仕民之家徃徃祖父母父母有支析文字或未曾支析者其父母疾篤及亡歿之後不以求醫侍疾喪葬為事止以相爭財產為務原其所由自開闢以來其漢人等別無定制以致相爭詞訟紛擾如此若依舊例卒難改革以此參詳隨代沿革不同擬合酌古准今自後如祖父母父母許令支析別籍者聽違者治罪省府准擬仰照驗施行

禁治父子異同至元二十五年正月准中書省咨據王良輔陳言事送禮部擬到下項事理都堂開坐請依上施

行

新附江南地面多有所生兒男娶妻之後與父母
另居良輔尋思即今昆仲雖有析居之例尚違
友愛之道是以君子耻為豈有父子另居之禮
今新附地面循習亡宋汚俗尚然不悛若不
改正溫清定省之禮安在今後若有似此違犯之
人痛行治罪庶望漸生孝道却擬正人倫厚風
俗

國家之所先務今本人言江南父子異居之理雖不見所指
明白然於風教實為至重擬合移咨各省令所

在官司通行誨諭如委有不孝不悌之人自有
常刑

承繼

軍民承繼絕戶至元五年七月中書左三部為藁城縣劉
順拋下事產却有親房軍戶姪男劉興乞承繼事省部照
得先奉中書省劄付為平陽路鄭湛淨告男挨哥漏籍
隻身年幼兄鄭大見充軍戶年老別無子嗣合無將男挨
哥承繼祖業應當貼戶身役樞密院講定回呈議得軍戶
內若有如此之人依上為例承繼當差為便省部行下合
屬將挨哥應當貼戶身役已後民戶有無子之家軍戶內
却有合承繼同宗弟姪亦仰依上施行

禁乞養異姓子至元二十九年十二月福建行省掇邵武

路申承准福建廉訪司司牒体知得南方士民為無孀嗣多養他子以為義男因即螟蛉姓氏異同昭穆當否一切不論人專私意事不經久及以致其間迷禮亂倫失親傷化無所不至有養親弟從孫為子者有不睦宗親捨拋族人而取他姓為嗣者有妻以之弟姪為子者有以後妻所携前夫之子為嗣者有因妻外通以奸夫之子為嗣者有由妻慕少男養以為子者甚至有棄其親子嫡孫順從後妻意而別立義男者有妻因夫亡聽人鼓誘買囑以為子者有夫妻俱亡而族人利其貲產爭願為義子者由是民間氏族失真宗盟亂叙爭奪釁作迭興詞訟始謀貽患終

致破家亦絕蒸嘗莫保坵壠縱有異姓之子能奉香火然神不散非類寧得感通有後名存實為絕嗣人情至此孰不哀憐切照舊例諸人無子聽養同宗昭穆相當者為子如元听養同姓皆徑本属官司告給公批於各戶籍内一附一除養異姓子者有罪古人思患預防立法如此存亡繼絕可行元弊看詳南人立嗣不經官司致此多端乱倫傷教若不早圖禁止非惟禍敗私族而已深恐漸將官司所抄戶籍壞乱難整又致改名過房販賣良人者得以藉口遂其奸計如酌舊例更定教條除在先已立者姑听外此後悉令依例布告遠近一新汚俗庶幾民習還淳盡革

前弊為此移准總司牒申奉行御史臺劄付該仰與有司從長講究行移合屬就申行省定奪施行奉此今與本路總管府官一同講究得父子嗣續人倫大本同宗繼紹氣脉感通非我族類神不歆享私立異姓徒啓禍源如前弊俗理宜更革兼可預防廢亂戶藉潛息販賣人口准上禁治為便牒可照驗備申行省照詳施行承此照行本路近批錄事司申解到同掘祖墳人黃雲瑞責得元係廣西道賓州人氏本姓陳隨姑陳氏嫁事黃千一將仕為無嗣子立雲瑞為嗣於至元二十九年四月二十日妄以祖公黃百十三知府墳墓風水不利為由令吳百七等將墳墓掘

取訖棺內銀器等物及將屍骸燒化移於他處却將元葬祖公墳墓一林賣與官將仕為主罪犯招伏審問無異看詳黃千一將仕無子不能於近族擇有昭穆相當者立之輒用其妻陳氏所携異姓孫改名雲瑞立而為嗣族系既殊情態少異其間破賣田產毀拆室廬俱未暇論最是乃祖黃百十三知府歸土已三十餘年而黃雲瑞乃敢盜發其墳斧其棺火其尸盡取棺中元殯之物至於墳塋菴宇悉以售之他人若使黃雲瑞實係黃氏族黨之親則知有祖宗骨肉必不忍如此絕滅天理之事此立異姓子者之明驗也乃至殃及九原甚可哀也除將黃雲瑞另行外若

不准上禁治誠恐此風甚長為害滋甚乞照詳事省府仰依上禁治施行

養子須立除附至元三十一年十二月福建閩海道肅政廉訪司定到民間省諭事理內一件諸無子聽養同宗昭穆相當者若同宗無應繼之人則抱養他人之子名曰螟蛉蓋取久而肖己之義將以終老傳後也今建俗則不然有年未及冠或娶妻未已而抱子者及有生前不曾抱子死後族人覬覦其業旋將不應繼之人捏合生前立繼文字者或因嫡子則將螟蛉之子轉行過房他人者有之本是螟蛉之子因而謀有其女妄認為婿者亦有之爭訟到

官通索兩下千照文字往往賣出絲箋該寫文辭亦如此間婚書並無畫字亦無官給憑驗虛實真偽殊不可辨合行省諭今後年及四十無子之人方聽養子皆須明立文字兩家并說合俱各畫字仍須經官告給公據不許似前裡合生前文字亦不得年小預先抱子及將所抱之子轉與他人違者治罪

妻姪承繼以籍為定大德三年二月二十八日 江西行省移咨 都省咨文來咨蕭阿周告夫蕭念七存日將男許真過房與伯蕭千八為男伯母蕭阿謝將伊兄謝五四男謝顏孫私立為嗣看得蕭阿謝狀結至元二十年與夫

蕭十八商議將兄謝五四次男顏孫乞養為男改名蕭福九在後夫蕭十八并婆阿曾身故蕭福九承服持孝至元二十七年官司抄戶蕭福九為戶頭供報別不曾養蕭許真為嗣本省若擬蕭福九歸宗即係蕭十八生前立繼兒男十有六載抄籍立戶當差及承繼孝服又與蕭念七自來別籍蕭阿謝不曾別立嗣續似難出離咨請定奪准此送禮部照擬得蕭十八為無男男過繼妻姪謝顏孫改名蕭福九蕭念七生子許真吳真本人生前不曾爭告繼立至至元三十年身故伊妻阿周於元貞二年赴官陳告夫蕭念七存日欲將男許真與伯蕭十八為後叅詳蕭福九

既係蕭十八生前繼立為嗣抄籍立戶經持祖母孝服又與蕭念七自來別籍另居合咨行省再行取問若無差異准擬相應具呈照詳 都省准擬咨請依上施行

又大德四年四月 日 江西行省准 中書省咨來咨

備袁州路申至元二十六年八月內張元俊告伯妾阿褚立元俊次男益孫為親男安老後將田土房屋分作兩分一分與乞養男張元平一分與益孫承管抄戶納糧不防袁道判說合伯妾阿褚將益孫分到祖居立為崇明觀看詳張庫使拋下田產二十五頃七十五畝除過房男張元平一分該田七頃八十二畝承戶納糧外有田七頃九十

三畝張庫使生前遺撥褚惠真養贍其褚惠真起立崇明
觀以張庫使男張安老為戶納糧今張元俊爭告却緣敬
奉

皇太后懿旨褚惠真分到田地斷回與崇明觀養贍道衆者敬
此本路豈敢不遵合從省府移咨都省

啟稟明降非本路專處之事申乞照詳得此咨請照詳准此
都省照得本省先咨張庫至元二十三年身故二十六
年伊妾阿褚為乞養男張元平不聽教訓親男張安老夫
亡自行具狀赴錄事司告給公據立同祖親姪張元俊男
益孫為安老後承繼張庫使戶名至元二十七年供抄入

籍當差至元二十八年阿褚捨俗出家禮邵法師為師將
溪園祖居剏立崇明觀張元俊告發到官本婦狀結前項
田土並不曾捨作常住已咨本省斷令張益孫收繼當差
去訖其邵法師却將褚惠真告據過房抄上入籍同祖姪
孫張益孫作疎族姪張元俊妾稱已曾過房為男又將張
益孫已承繼田土作褚惠真受分物業經臚赴

皇太后位下呈告以此議得褚惠真弃俗為道前夫張庫使拋
下田產已令乞養子張元平與入籍孫張益孫承繼戶名
應當差稅合准已擬令張益孫依舊為主管業除外咨請
依上施行

異姓承繼立戶大德四年八月 行御史臺劄付近據監察御史呈據萬永年狀告係鄂州路錄事司附籍儒戶有叔父萬珙身故即無兒男本宗除亡之外止存永年係故叔萬珙親姪有姜仲一係故叔父存日買到人口將應有家私拘收為主具狀告到湖廣行省送理問所歸問止據叔父萬珙義婿韓一供指將叔元買到姜仲一捏合為乞養之子通同承頂萬氏物業改姓萬善達為戶偏向不肯依例歸結等事得此追照得湖廣行省理問所元行文卷內該萬永年元告萬佛兒并女使宜姐與娘俱係萬珙生前買到人口錄事司取問得佛兒係萬珙生前過房為男

宜姐與娘係過房為女今次追到萬珙戶帖查照與各人所供相同看得萬永年狀供據姜仲一有韓一說稱係叔父萬五乞養之子永年至元二十六年六月前往潭州等處勾當並不知會故叔父萬五乞養佛兒為男根因所有宜姐與娘叔父生前止為婢使喚今官司檢照戶冊照得故叔父萬五將佛兒為男宜姐與娘為女供報在官如蒙依理歸斷准伏無嗣本所議得萬佛兒係至元二十七年抄戶籍面內萬珙生前已立為嗣若准錄事司已擬令萬佛兒承繼萬珙家業相應呈准本省劄付依上歸結施行照得如此看詳萬珙生前將姜二親子於至元二十七年

作男佛兒供報入籍大德元年姜佛兒却赴錄事司改名萬善達為戶承管萬珙家業其萬永年累次經官陳告係萬珙親姪例應承繼若依理問所憑籍議擬呈准行省劄付斷付養子佛兒承業本人終是異姓之子有失人倫之道莫若於萬珙所爭家財內以十分為率量以二分給付佛兒以充養育歸宗之資餘聽萬永年承繼萬珙戶名庶使戶不差迭又且杜絕後言乞照詳得此憲臺議得為係破籍更戶已久為例事理移准御史臺咨呈奉 中書省劄付該都省議得江南似此乞養過房為子者多比及通行定奪以來依准行省所擬斷令萬佛兒承繼萬珙家業

立戶當差仰照驗施行

逃亡

復業戶爭事產至元二年正月樞密院據東平路魯魯摠
管府申軍戶宋全王順狀告甲寅乙卯年間簽軍時有官
民官司令全等項替逃亡訾德王仲充軍為全等貧難無
力却撥到訾德等拋下地產官司給到公據令全等永遠
為主至丁巳己未二年查對軍時將元撥地乘本戶下姪
上磨問過有訾德復業却行爭要為此呈奉到 中書省
文字今後如有似此於簽軍避當軍役在逃拋下事產改
徐見充軍戶代當時所拋事產官司給與公據標撥見充
軍戶為本本人復業却行爭要元拋事產者止斷付見當

軍人戶為主如軍民在逃拋下事產有他人佃種若本主復業照依已降

條畫給付本主樞府仰照驗坐去事理今後如有似此爭告之人就便依理歸斷施行

逃戶拋下地土不得財佃至元十年閏六月中書吏禮部承奉中書省元呈宋安仁陳言事理批奉都堂鈞旨據逃戶戶事產人戶種佃一節并禁治大都穢言事理送本部就關合干部分依上施行

項宋安仁照得

聖旨條畫內一款節該戶口流散籍帳隱沒農桑不勤倉廩減

耗為私蠹害黠吏豪宗兼并縱暴及貧弱冤苦不能自伸者委監察並行糾察欽此尋思得

國家如此明誠猶然未絕害民之弊且如在逃軍民拋下田桑園圃水陸事產省部符文令諸色戶計依鄉原例出納租課射佃此等事產各處親民官吏鄉司里正主首并在官一切人等不無射佃雖云出備租課中間情弊多端以致在逃軍民畏避官司權勢不能還業此弊不革害民非淺合無遍下諸路京府州縣將逃戶事產止令無力貧民射佃似為防奸革弊使遠近年分在逃戶計強負其子却歸

閭里軍民按堵如故則無逋流之患此端事理似為官民兩便乞叅詳施行

前件戶部公議得據在逃軍民戶拋下地土事產擬合召諸色戶計種田依鄉原例出納租課無令親民官吏豪勢之家射佃似為相應

招收逃戶至元十九年 月 御史臺承奉 中書省劄付近據戶部呈取勘到隨路在逃民戶事 都省若不從實照會恐各路供報戶數不實難便施行除已行下戶部檢照差科文卷從實照勘的逃戶數行移各道按察司更為追照体察相同憑准回牒保結申部仍禁約無致通行

村鄉取會因而生事動搖驚擾亦不得將實逃戶數隱匿見在虛申仍令各路着緊招收復業欽依先奉

聖旨存恤其招到數數每月一次申部及移咨安西行省依上下各道按察司照會更為糾察施行

